

岳州府巴陵縣分星表

鶉尾之次

至軫十 一度	至軫七 度	至軫六 度	至軫十 一度	至軫十 一度	至軫九 度	至軫十 一度
起張十 七度	起張十 三度	起張十 二度	起張十 七度	起張十 八度	起張十 五度	起張十 七度
劉歆 三統 歷	費直 周易 說	蔡邕 月令 章句	陳卓 景初 歷	皇甫謐 世紀	僧一行 太衍 歷	大統 歷

論曰自漢迄明鶉尾之次皆起於張中於翼終於軫雖度有改移而大致則一也我

朝歷法極精推演極密鶉尾起星七度終翼九度

巴陵縣志

卷之三

分星

一

乾隆二十五年起星五度終翼七度翼八度至十六度軫初度至十二度皆在壽星之次歲差之法詳於歷術在天之星度有盈虛在地之州郡有變遷在人推算有疎密而隨時消息皆有定理惟星占之說微渺難言鶉尾翼軫為荆楚之分星象緯之變異舊志皆錄然史所載不能盡書書亦不必盡同有變見於此而占應於此者如建安十二年有星孛于鶉尾明年劉表卒曹操下荊州大興三年四月枉矢出虛危漢翼軫占曰枉矢所觸天下之所伐太寧二年

有王敦之亂是也有變見於此而占應於彼者
如太和六年有星孛于翼明年孫權有遼東之
敗光熙元年四月太白失行自翼入箕尾占曰
太白失行而北是謂反生不有破軍必有屠城
五月汲桑攻鄴魏郡害東燕王燒魏宮室是也
有變見於彼而占應於此者如襄公二十八年
歲在星紀淫於元枵神龜曰今茲周王及楚子
皆將死注云失次于北禍衝在南是也有變見
於他曜而占應于此者如治平四年十月月掩
填星占主楚分流民熙寧元年四月月犯歲占

主楚分有兵是也有變見於外而占應於內者
如正始九年七月彗星見翼進至軫彗所以除
舊布新於是晉始正位泰始四年正月彗星見
軫占曰有兵喪三月王太后崩嘉祐七年太白
犯火在翼占曰內有盜臣爲兵事是也有變見
於此而流入於彼占應不係乎此者如元祐六
年二月有星出翼東南急流至濁没占主國人
皆受恩賜崇寧三年四月有星出軫西北漫流
入太微垣內屏星没占主外國有急使期不出
一年是也有變見於此同而占應同者如貞觀

三年八月日食在翼二十二年八月日食在翼
貞元十二年八月日食在翼同占曰早是也有
變見於此同而占應不同者如建武二十九年
六月日食在翼翼主遠客冬東平王蒼來朝明
年正月死永元十二年七月日食在翼翼主優倡占王
蠶反元嘉二年七月日食在翼翼主優倡占王
上好樂是也有有變而無占者如武德四年八
月日食在翼貞觀十三年八月日食在翼乾封
二年八月日食在翼熙寧元豐之間彗星屢出
軫翼而皆無占是也有有變有占而無應者如

巴陵縣志

卷之三

分星

三

本始二年七月辰星與翼出早占曰大臣誅四
年七月辰星在翼月犯之占曰兵起升平五年
三月月犯填星在軫占曰有大喪而皆無應是
也有變見於此而占驗係乎其人者如淳熙十
三年閏七月五星伏聚於軫八月日月五星又
聚軫占曰是謂易行有德受慶無德受殃是也
有變見於此而占驗係乎他曜者如義寧元年
七月太白見翼軫占曰爲臣強荆州有兵喪元
和十四年八月歲星太白辰星聚於軫占曰兵
喪在楚分天聖七年二月夜蒼黑雲貫孤矢及

翼軫占曰荊州水變係於太白黑雲是也有
見於此而占驗係乎支干者如元初五年八月
丙申朔日食在翼永建二年七月甲戌朔日食
在翼潛潭巴曰丙申日食夷狄內攘甲戌日食
草木不滋王命不行乾道十五年八月甲子朔
日食在翼占曰甲子日食夷兵動是也有變見
於此而占驗有數說者如淳化元年正月客星
出軫逆行占曰有土功又云有使來元祐二年
正月有星出軫南向南急流至濁沒占主大臣
忠諫又曰賢人來又曰萬物賤是也有變見而

不詳其度數者如三國南北不作志魏及南北
朝日食不見躔度宋初日食亦然建炎以後少
見躔度而不詳分數是也有變見於此而太史
不知者如元初五年八月日食在翼史官不見
張掖以聞元嘉二年七月日食在翼史官不見
廣陵以聞是也有太史測之而多不驗者如熙
寧元豐之間太史多言日當食而不食或言食
幾分而或過或不及是也大概天道湛密不易
窺測星事彌悍遷變不一星家之說不可一例
推也姑附論於此云

巴陵縣志卷之三

分星

辨分土察災異觀遷變定昏旦會時序課方政莫大乎分星分星之說由來舊矣而鶉尾實為楚次楚地廣輪千里於是乎有分經南北殊候於是乎有分度郡縣錯雜於是乎有分分測一方之星而星分其度度分其分可謂密矣猶恐其不盡驗也於是乎又有雜占象緯之學存乎書冊者至詳且備修史志者繼沿革而首舉之不失二典首四命七政之意也作分星志

巴陵縣志


卷之三

分星

五

天文翼星圖

舊起鶉尾三度終鶉尾二十一度今起鶉尾二十三度終壽星九度



本朝歷法翼初度至十六度止東甌五星向有今無舊志仍步天歌圖繪載今本續文獻通考明史天文志不入星圖

天文軫星圖

舊起鶉尾二十二度終壽星八度今起壽星十度終壽星二十二度



本朝歷法軫初度至十一度止軍門二星土司空四星器府三十二星向有今無青邱子七星今止存三星舊志仍步天歌圖繪載今本續文獻通考明史天文志更正

巴陵縣志

卷之三

分星

六

分星異同

周禮保章氏以星土辨九州之地所封封域皆有

分星以觀妖祥鄭注鶉尾楚也

按分星之說見於周官而鶉尾楚也

等語起於鄭康成鶉火鶉首諸名見於左傳爾雅亦未嘗徑以十二國分配十二辰鶉尾之名見國語子犯曰歲在壽星及鶉尾其有此土乎辰曰壽星已曰鶉尾辰已相連故曰及鄭氏說必有所據自古考分野者皆本之

左傳旅於明年之次以害鳥帑周楚惡之杜注南

為朱鳥尾曰帑周楚之分

按左傳無鶉尾而有鳥帑鳥帑即鶉尾也古人

謂子孫為帑鳥尾亦謂之帑軫居南方七宿之末故軫亦謂之帑南方朱鳥首在秦尾在楚傳云周楚惡之者兼鶉火言也鶉尾楚之分之說蓋本此

史記翼軫荊州按二十八宿分布十二辰十二辰星當之其說原於左國詳於史漢然翼軫荊州主全楚而言未嘗及分度也

春秋元命苞軫星散為荊州按史記所云荊州舉

舉荊南言也考晉書天文志南陽翼六南郡翼十江夏翼十二武陵軫十一桂陽軫六零陵軫十長沙軫十六荊州乃全楚之名分南北言則翼主北而軫主南也元命苞獨舉軫星故知其為荊南而言如長沙等郡分星是也

西漢志翼軫楚之分野今之南郡長沙皆楚分按

時大郡湖北莫大於南郡湖南莫大於長沙翼主北軫主南故舉二大郡以包之

費直周易起張十三度至軫七度為鶉尾荊州分

按此舉鶉尾三十全度而言翼為中星翼軫為荊州分星未嘗及張也時張十二度在鶉尾則張十

巴陵縣志

卷之三

分星

七

三度至張末周之餘度也猶軫七度在鶉尾軫八度在壽星則軫八至軫末乃楚之餘度舊縣志并詳及張星失古星度意矣

蔡邕月令章句起張十二度至軫六度謂之鶉尾

按諸家星度長短盈縮不同詳見表

班固三統歷自張十七度至軫十一度為鶉尾於

辰在巳按楚地分野以星言曰翼軫以次言曰鶉尾以支言曰巳以象言曰雙女以歲言曰

大荒

陳卓郡國躔次

與三統歷同

皇甫謐世紀自張十八度至軫十一度曰鶉尾之

次

星經南宮赤帝其精朱鳥為七宿井首鬼目柳

張曉翼翮軫尾司夏司火司南岳按南方七宿取象朱鳥井在鶉

首之初故井謂之首軫在鶉尾之末故軫謂之尾

吳道行荆楚分野鶉尾之次以今授時歷為準起

張十四度三十分至軫十度八分按費氏始詳度數至吳氏又詳

分數後人星算愈推愈密愈密而愈差故歲差之度隨時而更

星經翼軫楚分野翼凡十八度一說多七內十六

尺為黃道軫凡十七度一說多內十三尺為黃道

按歷代度有長短不一詳見表中而於翼軫中推算黃道尺寸其說起於星經歷代算法不同此其

也

巴陵縣志

卷之三

分星

八

晉書天文志翼軫楚荆州長沙入軫十六度按晉書天

文翼軫但分南陽南郡江夏武陵桂陽零陵長沙七大郡而岳州隸於長沙於長沙為近故自來亦謂岳州當軫十六度之分一說軫中一小星曰長沙子長沙分星當之正軫十六度岳州當少有不

唐書天文志翼軫鶉尾也初張十五度餘千七百

九十五秒一十二太甲翼十二度終軫九度初謂鶉尾

之初度中謂中自房陵白帝而東盡漢之南郡江

夏東達廬江彭蠡之西得長沙武陵揚翼軫之分

貴州之東北廣西之東北廣東之西北江西之西北河南之西南諸郡皆屬焉不僅荆楚當之晉書分七郡舉其大者而言唐書但及廬江彭蠡亦止得其一隅耳

唐書地理志江南道古揚州南境岳鄂潭衡永道
郴邵黔辰錦施敘獎夷播思費南溪溱為鶉尾分
按晉書止分大郡唐書并分及小州此一係兼及黔粵矣又云山南道古荆梁二州之域漢南郡武陵巴郡漢中南陽及江夏宏農廣漢武都郡地江陵峽歸夔澧朗復郢襄房為鶉尾分又兼及豫蜀矣又云嶺南道古揚州之南境桂柳鬱林富昭蒙龔繡容白羅而西及安南為鶉尾分又兼及兩廣與安南矣荆楚之邊圍無所不該乃割廬江零陵桂陽等郡長沙國及牂牁江夏南郡地為星紀分不惟大背乎晉書且與天文志自相矛盾總之唐書天文分野失之畧地理分野失之雜不如晉天文志之簡而括也

張守節正義軫四星長沙一星左右轄二星合軫

七星皆為鶉尾楚之分野按此單舉軫不及翼據南四郡言與春秋元命

巴陵縣志

卷之三

分星

九

苞同旨

邢昺爾雅疏長沙軫十六度今長沙寶慶衡州岳

州所屬巴陵等地按疏謂四府所屬皆入軫十六度非謂四府之地盡當軫之全

也度

明史軫旁小星曰長沙長沙府岳州等十六州鎮

皆翼軫分按此舉湖廣通省而言

星位星度

隋丹元子步天歌翼宿歌云二十二星大難識上

五下五橫着行中心六箇恰似張更有六星在何

處三三相連張畔附必若不能分處所更請向前

看野取五箇黑星翼下頭欲知名字是東甌晉書

志翼南五星曰東區蠻夷星也宋史天文志東甌志五星晉志在二十八宿之外乾象新書屬張宿武

密書屬翼宿與步天歌合

軫宿歌云四星似張翼相近中央一箇長沙子左

轄右轄附兩星軍門兩黃近翼是門西四箇土司

空門東七烏青邱子青邱之下名器府器府之星

三十二以上便是太微宮黃道向上看取是史記

書軫旁有一小星曰長沙宋史天文志軍門二星

星曰土司空晉書天文志青邱西四

軫東南蠻夷之國號也又云軫南三十二星曰器

府樂器之府也又宋史天文志案晉志惟轄星長

沙附於軫餘在二十八宿之外乾象新書以軍門

巴陵縣志

卷之三

分星

十

器府土司空屬翼青邱屬軫武密書以軍門屬翼
餘皆屬軫按星亦有乘除向所無者今有之向所
有者今無之如翼之東既五星軫之軍門二星土
司空四星器府三十二星今皆無之青邱七星今
止三星步天歌全文其星之
有無多寡與今測多不同

宋史天文志漢永元銅儀翼宿十九度唐開元游

儀十八度舊去極九十七度景祐測驗翼宿十八

度距中央西第二星去極百四度按今測翼一星

九度二十三分緯南二十二度四十一分赤經八

宮一十一度零九分緯南一十六度三十七分宋

史但詳去極度今測并詳黃赤經緯南北度測驗更精

宋史天文志漢永元銅儀以軫宿為十八度舊去
極九十八度景祐測驗六十八度去極一百度按

測軫一星黃經九宮六度二十三分緯南一十四度二十五分赤經八宮二十九度五十八分緯南一十五度四十四分又按二十八宿度有盈縮如翼宿宋志十九度今十七度軫宿宋志十八度今十三度人止知緯星有歲差不知經星亦有盈縮存歲差也

宋兩朝天文志東甌五星距西南星去極一百二

十九度入張宿七度軫四星距西北星去極一百

三度半右轄星去極一百一十度半入翼宿十六

度半左轄去極一百一度半入軫宿五度軍門二

星距西南星一百一十二度半入翼宿十三度土

司空四星距南星一百二十度入翼宿十四度青

邱七星距西北星去極一百二十四度半入軫宿

巴陵縣志

卷之三

分星

十一

五度器府三十二星距西北星去極一百三十七

度半入翼宿八度半

按翼軫所屬之星宋志俱有去極度數今東甌軍門土司

空器府俱無不可考惟青邱尚存三星耳

昏旦度

月令孟夏之月昏翼中孟秋之月日在翼仲冬之

月日軫中

按此月令昏旦躔度之見於翼軫者注云孟夏者日月會於實沈而斗建巳之

辰孟秋者日月會於鶉尾而斗建申之辰鶉尾即已實沈即申建於此而會於彼者已與申合也

三統術三月中昏翼四度中

去日一百一十一度四月節昏

軫四度中

去日一百一十四度七月中日在翼十五度八月

節日在軫十二度十月節且翼初度中十月中且

軫五度中按此三統術昏旦躔度之見於翼軫者

元嘉術四月節昏翼十度中四月中昏軫十度中

七月中日在翼十度八月節日在翼十七度八月

中日在軫十五度十月中日翼八度中十一月節

且軫八度中按此元嘉術昏旦躔度之見於翼軫者

唐月令孟夏之月昏翼中仲秋之月日在翼中氣

日在軫孟冬之月中氣曉翼中仲冬之月且軫中

按此唐月令昏旦躔度之見於翼軫者孟夏仲冬與呂氏月令同而仲秋孟冬則有殊也

明史天文志三月中昏翼偏東七度戊正一刻七分四月

節昏軫偏東五度戊正三刻二分按此明史昏旦躔度之見於翼軫者古人辨日

巴陵縣志 卷之三 十二

躔與昏旦度但舉中氣言後人復分氣與節而合考之且詳其度之分數與其偏東偏西處并時之刻數其於歲差之說可謂愈推愈密時代遞更又愈差愈遠矣如元嘉術八月節日在翼十七度今在張十一度八月中日在軫十五度今在翼八度元嘉術較三統術已差十餘度本朝較元嘉時又差二十餘度明乎差法千歲可坐致也

星占

史記天官書翼為羽翮主遠客軫為車主風索隱軫與

異同位異為風車動行疾似之

張衡周天大象賦爰周翼軫厥土惟荆驅風驛之

千乘奏雲門之六英長沙明而獻壽車轄朗而陳

兵青邱懸於韓貂器府總於琴笙軍門坐甲於軍

閩司空掌土以司平按軫主風故曰風驛羣主天之樂府器府乃樂器之府故

曰雲門六英又曰琴笙青邱主蠻夷故曰豨豸司空之官主平土地亦曰司平

晉書天文志翼二十二星天之樂府俳倡又主遠

客負海之賓星明大禮樂興四裔賓動則蠻夷使

來軫四星主冢宰輔臣也主車騎主載任又主風

主死喪有軍出入皆占於軫長沙一星在軫之中

主壽命轄星傅軫兩傍主王侯左轄為王者同姓

右轄為異姓土司空北二星曰軍門主營候彪尾

威旗土司空主界域按張守節正義軫星明大則車騎用長沙星明主壽長子

孫昌然占星之法不盡於此軫主車騎又主死喪猶易師師與與尸同占也

巴陵縣志 卷之三 分星 十三

星經星字於鶉尾荆域有變月蝕在翼歲旱歲星

蝕月在翼楚地饑黑雲氣貫翼軫荆楚水星字於

翼近大微上將兵興有災軫七星主將軍樂府歌

謹之事五星犯之失位亾國女子主政人失業賊

黨掠人禍生於百日內若光耀則天下昌萬民康

四海歸王太白守之天下學校散文儒失業又云

軫北星為轄去軫五寸南星為膏去軫一尺為常

欲其近軫則上下和睦遠則君臣相疑九寸以內為近一尺

以外小而明則國祚安明大與四星等則兵大起

微暗諸侯憂按歷代星占說無定論星經所言之能盡則測之亦不盡驗是故推星易

測星 雜

雜占

史記荆州麗北斗權星

按此以北斗分星而言北
斗七星一權二璇三璣四
權五衡六開陽七搖光史記星經俱以權主楚宋
天文志北斗第二星曰璇其分爲楚又廣雅云荆
屬衡星此三星
相連說俱可通

史記吳楚之強候在熒惑占於鳥衡

按此以緯星
占驗而言熒
惑火也火主南方鳥謂朱鳥衡即北斗第五星
也考熒惑占驗無常不盡吳楚姑備一說耳

唐書熒惑主南方夏禮也視也禮虧視失逆夏令

傷火氣罰見熒惑熒惑犯歲星在翼歲旱

按此以
熒惑躔

度占驗而言翼張衡靈憲云熒惑爲執法之星其精
爲風伯之師或童兒歌謠嬉戲其占無常犯歲在

巴陵縣志

卷之三

分星

十四

翼主旱又
一說也

宋天文志十二國凡十六星在牛女之南魏西一

星爲楚

按此以十二國分星而言十二國共十六
星在牛女下主十二國楚一星居魏之西
步天歌云韓魏各一皆北
輪楚之一國魏西屯是也

宋兩朝天文志天市垣二十二星其西垣第二星

曰楚

按此以天市垣星占而言步天歌云下元一
宮名天市兩扇垣牆二十二東西各十一西
蕃第二星主楚通志云天市垣西
蕃第二星主楚之財帛明大則吉

後漢書天文志注北斗玉衡第四星主荆州常以

五卯日俟之癸卯爲長沙丁卯爲武陵

按此以支
干占驗而

言玉衡第四星即權
也其說與史記同

晉書五車五星在畢北五帝座也東南中一

司空主填星主楚

按此以畢宿五車星占而言以二條向誤引作宋志五車五

星分配五緯八國而以填星主楚熒惑主魏多不可曉所謂五帝座者其五行之帝歟

晉書太微垣三臺六星其西近文昌二星日上臺

爲司命主壽上主兗豫下主荆揚

按此以太微星占而言以上諸

占皆出於二十八宿分星之外故曰雜占

論曰嘗讀離騷至天問云圜則九重孰營度之

惟茲何功孰初作之又云九天之際安放安屬

隅隈多有誰知其數可謂善言天矣以天下之

大習甘石者不能盡神其說區區以一隅一隈

巴陵縣志

卷之三

分星

十五

之地而揣合其數度推驗其變故難矣楚之占

驗分在翼軫凡翼軫之變之見於史志者良多

而變有不占占有不驗乃多其途以演其秘或

候於經或候於緯或候於垣或候於斗與車或

候於十二國襲是說者未始無精意湛思焉而

人意每與天左何也易曰天垂象見吉凶有一

時之吉凶有一方之吉凶有一郡一邑之吉凶

常則吉變則凶聖人則天守其常而不變如甚

焉已矣有郡縣之責者其毋以隅隈之區而誤

天象不垂於是也若夫術數之傳尾翮之分由

楚西楚孰應之南路北路孰當之且正亦多言矣
豈不或信

巴陵縣志

卷之三

分星

十六

巴陵縣志卷之三終

計十六頁尾
空十七行